

Gennaro 2016

San-Mmastianuzzu

Pi-ddari onuri o Santu Patrunu,
Mistretta fa du' festi nta l'annata,
una nt'austu
pi-cchiddi ca sdunati pi- ttavagghiu
tornanu pi ferii o so' paisi.
E c'eri nta ssi jorna,
strati strati, ranni cunfisioni,
chissu è -bberu...,
ma puru tantu prieiu e allirizza:
u parcu o tunn'a- chiazza
cu-mmusica e cantanti,
sparu ri bummi, ranni luminarii,
juocu ri fuoco sparatu pi-ntall'aria
ca fa sèntiri i viecchi cchiù carusi.
E pui...ranni taulati
ca virinu riuniti li famigghi
sparpagghiati n'annata munnu munnu.

L'otra si fa nto mmiernu
quann'è a so jurnata,
chidda c'arriporta u calannariu,
u misi ri jnnaru juornu vinti.
E m'arriuordu ca quannu era carusa
e c'erinu pussenti nivicati,
i purtanti ra vara senza scarpi,
sulu cu i pirunetta nquasunati
(ca i mammuzzi avianu ttavagghiatu
cull'augghietti e a lana filata
pi ntravardalli ru gelu e i sciddicuna)
ianu firriannu
cu ddu Santu mpunutu supra i spaddi,
sintiennusi puru iddi valurusi.

Ora iu nun tuornu cchiù
mancu a staçioni,
essiennu-ca nun mancanu i malanni,
ma c'u pinzieri sugnu dda prisenti
priannu pi lu nostru paisieddu
c'addivintau sparutu
speci ri quannu lu malucuviernu
lu spughiau
ri tanti uffici, carzaru e tribunali.
Ma nuddu mai, mancu cu a rruanza,
si po' pìrmettiri scippari, a-ttia Mistretta,
di rintra o cori, tinutu caru
cchiossai ri nu domanti,
l'amuri pu'to santu pruttitturi:
San-Mmastianuzzu, nostru onuri e vantù.

Gracielle di Palu Barbara